

INFORMASJON

HELG OG HEIM

KYRKJELYDSBLAD FOR FØRDE OG NAUSTDAL

NR. 3 SEPTEMBER 2022 80. ÅRGANG



Ha ein fin haust!



DEN NORSKE KYRKJA
Sunnfjord kyrkjelege fellesråd

FØRDE KYRKJEKONTOR

Kyrkjevegen 23F, 6809 Førde

Tlf.: 57 82 81 80

www.sunnfjordkyrkja.no

sunnfjord@sunnfjordkyrkja.no

OPNINGSTID:

Måndag – fredag kl. 09 – 14.30

Prost: Knut Magne Nesse

Sokneprest: Ingvald Andersen Frøyen

Prest: Fredrik Bråttvik

Diakon: Anita Øvreås Rusken

Diakoniarbeidar: Ingvar Vagstad

Kyrkjesesekretær: Joy Taylor og Toril Øye

Ass. kyrkjeverje: Trond Herløsund

Kantor: Gro Gunnarson

Kateket: Heidi V. Styve

Kyrkjeverje: Sissel Vartdal

Kyrkjelydspedagog: Ute Lindner og

Gry Sætre

NAUSTDAL KYRKJEKONTOR

Kommunehuset,
postboks 90, 6806 Naustdal

Tlf.: 57 82 81 80

sunnfjord@sunnfjordkyrkja.no

OPNINGSTID:

Tysdag kl 9-15.

Ta kontakt for anna avtaletidspunkt.

Sokneprest: Rigmor Frøyen

Arbeidsleiar: Ellinor Wergeland

Kyrkjesesekretær: Sigrun Solheim Savland

Kantor: Erlend Os

Kyrkjelydspedagog: Jenny Ødven Snildal

FØRDE KYRKJE

Kyrkjetenar/Kyrkjegardsarbeidar:

Terje Sæle og Leonard Subrescu

HOLSEN KYRKJE

Klokkar: Tor Arild Nydal Holsen

Reinhard: Jorunn Holsen

HAUKEDALEN KYRKJE

Kyrkjetenar: Bodil Øvsthus Frøysland

NAUSTDAL KYRKJE

Klokkar: Jenny Ødven Snildal

Kyrkjetenar/kyrkjegardsarbeidar:

Leonard Subrescu

VEVRING KYRKJE

Klokkar/kyrkjetenar: Leonard

Subrescu (Førde og Naustdal) og

Mette-Elin Standal Sæther

FØRDE KYRKJETUN

Dagleg leiar: Ann Berit Steiro.

Nytt frå redaksjonen

Fredrik og Ine Bråttvik er nye i Sunnfjord. Det same er Sissel Vartdal, den nye kyrkjeverja. Du møter dei i bladet.

Å vere nyinnflytta har dei til felles med mange. Korleis kjennes det? Korleis finn ein seg tilrette på ein ny plass? Dei fleste fellesskap er avhengige av frivillige som har kapasitet til å skape møteplassar og gi plass til nye. Nyinnflytta, uansett alder, treng ein plass der ein blir tatt godt i mot og kan høre til. Etterkvart får ein kanskje lyst og overskot til å bidra sjølv som frivillig.

Dette året skal frivillig arbeid løftast fram. Utan frivillig arbeid blir samfunnet fattig. Å kjenne seg utafor tar mykje energi og går ut over helsa. Difor er det vårt felles ansvar å bidra til at nye skal kjenne seg velkomne.

Er du ny i Naustdal, Førde, Holsen eller Haukedalen? Velkommen til kyrkja, i

songkor, i barne- og ungdomsarbeidet eller på 10-kaffien! Du finn oversikt over mykje av tilbodet bak i bladet.



Annbjørg Eiksund Hesselberg er ny medarbeidar i Helg og Heim.

Ei som har flytta heim til Naustdal etter mange år vekke, er Annbjørg Eik-sund Hesselberg. Ho tok kontakt med Helg og Heim og meldte seg som skrivars, og ho har gjort det eine intervjuet i dette nummeret. No har ho óg blitt med i redaksjonen. Har du tips til noe Annbjørg eller vi andre bør skrive om?

TAKK til alle som nytta giroen i forrige nummer! Gløymde du det? Det er ikkje for seint å betale bladpengar! Sjå under om bladpengane og betaling.

Takk til annonsørane som støtter bladet!

Helsing bladstyret.

HELG OG HEIM

Ansvarleg utgjevar av **Helg og Heim** er sokneråda i Førde, Naustdal og Holsen og Haukedalen. Bladet går til alle husstandar i tidlegare Førde og Naustdal kommunar.

Redaksjon:

Jenny Snildal, Ingvar Vagstad,
Annbjørg E. Hesselberg og Hanne Schnitler

Stoff og bilete kan sendast til:

- hanne.schnitler@enivest.net
- jenny.snildal@gmail.com
- ingvar.vagstad@sunnfjordkyrkja.no
- annbjorg.hesselberg@gmail.com

Grafisk utforming:

Firda Tidend, Sandane

Trykk:

Printfarm, Øvre Årdal

Hugs bladpengar!

**Frivillig bladkontingent
kr. 290,-**

Bankkonto:

3705.15.33896

Merk innbetaling
med «Helg og Heim».

VIPPS:

Vippsnr. 591 431

«Helg og Heim kyrkjelydsblad»

Utgjevingsplan

2022

Nr. 4.

Stoffrist: Onsdag 19.10.

I posten veke 47

Det kan

komme endringar



Framsidebilde: Fredrik og Ine Bråttvik – nye fjes i Førde. Foto: Annbjørg Eiksund Hesselberg.

TIL ETTERTANKE

Tekst: INGVALD ANDERSEN FRØYEN, sokneprest i Førde, Holsen og Haukedalen

Bruk talenta!

Vi er inne i eit år der vi nasjonalt skal ha fokus på frivillighet. Ikkje berre i kyrkja, men i heile samfunnet. I kyrkja og det kristne organisasjonsarbeidet har dei frivillige alltid vore heilt sentrale på alle plan. I barne- og ungdomsarbeid, korarbeid og diakonale tenester har frivillige ikkje berre teke del, men ofte vore leiarar og drifta heilt utan hjelp frå tilsette.

Dette biletet har endra seg mykje dei siste 20 åra. I heile samfunnet har det vorte meir krevjande å få ungdom og vaksne til å gå inn i eit forpliktande ansvar over tid for å leie eller ta del i frivillig uløna arbeid.

For oss som kyrkje og lokalkyrkjelydar i Sunnfjord er dette ei stor utfordring. Difor ynskjer eg å invitere alle medlemmer i kyrkja vår til å ta aktivt del i lokalkyrkjelyden på ein eller annan måte. Ikkje fordi di lokale kyrkjelyd er perfekt, men fordi du ved di deltaking og ditt bidrag vil tilføre noko som vil setje farge på kyrkjelyden. Kyrkjelyden er nemleg summen av oss som samlast.

I evangelia fortel Jesus ei likning om ein rik mann som gav tenarane sine ansvar for å forvalte eigedomen sin medan han sjølv drog på ei lengre reise. Alle tre tenarane fekk ansvar, og eigaren fortalte kva han forventa av dei. Han ville at alle skulle gjere sitt beste ut frå dei føresetnade dei hadde. Nokon ble det forventa mykje av og andre noko mindre. Bodskapen i likninga er at ALLE har NOKO å koma med. Alle har ei rolle å spele i fellesskapet.

I kyrkjelyden som du hører til, har du ein plass. Du har ditt liv og di erfaring. Du har noko å koma med. Kyrkjelyden



lydane våre vil bli mykje rikare om det ikkje berre er dei med store talent som kjem, eller slepp til. Alle har noko å koma med, og det er når vi slår saman alt vi er og har til saman at vi kan få til noko ut over det vanlege.

Men kva skal det vere? Eg speler ikkje noko instrument og ikkje kan eg halde andakt!

Nei, men har du ei yrkesfaring eller livsbakgrunn som kan nyttast inn i kyrkjelyden på ein eller annan måte? Har du ei interesse eller hobby som kan kombinerast med noko som skjer i kyrkja? Er du glad i å vere saman med born eller unge?

Og enklast av alt: Det bidraget vi alle kan gje til kyrkjelyden er å oftare ta del i gudstenester og andre arrangement i vår lokale kyrkjelyd. Ta oss tid til å helse på nye menneske. Bestemme oss for å besøke ei som bur åleine. Invitere nokon på eit måltid mat eller til å bli med på ein tur. Invitere nokon med i kyrkja.

Alle vi som ER kyrkja har fått del i ansvaret med å dele tid, liv, tru og talent med andre. Når vi alle gjer dette vil kyrkja vår bli revitalisert og fornya på ein meir radikal måte enn vi nokon gong kan oppnå ved berre å vedta ein ny strategiplan eller handlingsplan.

Difor ynskjer vi deg velkommen til å ta din plass i dei lokale kyrkjelyd!



Ruth Berit Garfors, frivillig pinnebrödinstruktör på 1-2-3 dagane i Naustdal.

Fredrik og Ine

For nokre generasjonar sidan, då sunnfjordingane ikkje var så vane med å sjå framandfolk vanke her i bygdene, vekte det alltid interesse med nye ansikt. Ved søndagsmiddagen måtte dei kyrkjefarande gjerne gjere greie for kven som var der i dag, og var der nokre ukjende, var spørsmålet kvar dei kom frå. Og sjølvsagt var det spesielt interessant dersom det var ein ny prest som forretta gudstenesta.

Tekst: ANNBØRG EIKSUND HESSELBERG

Foto: ANNBØRG E. HESSELBERG

og FREDRIK BRÅTTVIK

Helg og Heim-redaksjonen har fått kontakt med eit nytt tilskot til kyrkja i Sunnfjord, og når bladet kjem ut, har nok ganske mange møtt nyepresten. Han tok til i tenesta 1.august. Så kven er han?

Fredrik Bråttvik held på å legge siste hand på verket, før han kan ordinerast til prest. Han har studert på Menighetsfakultetet, og har alt gjort unna praktikum. Denne hausten skal han, ved sida av halv stilling i Sunnfjord, fullføre masteroppgåva si der, med det interessante temaet «Kjærlighet i Johannesevangeliet – sett opp mot antikkens vennskapsbegrep».

Ved si side har han kona si Ine, som er utdanna og arbeider som barnevernspedagog. Dei har busett seg i Førde, og er sjølvsagt spente på nye jobbar og nytt miljø.

Dei har flytta inn i eige hus i Førde i sommar, - ja, overtakinga trefte til å vere på 2 års-bryllaupsdagen deira! No er dei godt i gang med å innreihe heimen sin.



tenkt den tanken før, men den begynte å arbeide i meg. Jeg vandret rundt på Vossevangen, der vi var på festival, og bearbeidet saken.

Heldigvis er studiet bygget opp slik at man kan starte med et ett-årsstudium, og deretter velge hvilken påbygging man vil ta, og hvilket nivå man vil sikte mot. Etter hvert ble det veien mot «vigslet tjeneste», og jeg opplevde at den veien åpnet seg etter hvert som jeg gikk.

– Kunne det vere noko i din bakgrunn som hadde ført deg i denne retninga?

– Selv om morfar hadde vært prest, misjonsprest i NMS faktisk, hadde det aldri blitt foreslått eller tenkt at jeg skulle gå i hans fotspor. Jeg kom jo til bevisst tro bl.a. gjennom leir-opphold, og var med i menighetens barne- og ungdomsarbeid, men så vel egentlig for meg flere andre yrkesvalg før teologi. Gud har sine måter å lede oss på, og for meg har det nok vært en kontinuerlig opplevelse av Guds kjærlighet for meg som har ledet meg inn på og holdt på den retningen.

– Eg høyrd ein av dei andre prestane seie: Det skal bli godt å få ein ung medarbeidar! Ja, vi ser jo at de begge er unge, men kan vi få alder og fødestad, kanskje?

– Jeg er født i Ngaundere i Kamerun i 1993, så jeg er i mitt 30. år. Og Ine, hun er født i Stavanger, to år seinere.

– Og vil leserne finne ut mer om oss, er vi åpne for kontakt!

– seier Fredrik med eit smil.

– Du meiner tydelegvis at Den Norske Kyrkja har ei viktig rolle å spele framleis, endå om mange ikkje synes å bry seg så mykje om kva kyrkja held på med. Kanskje kan vi seie at det bles motvind frå mange kantar. Kva er din hovudmotivasjon for å velje ei teneste som ikkje nødvendigvis vert berre lett?

– Først og fremst tenker jeg at Gud ønsker å møte alle mennesker med sin kjærlighet i Jesus Kristus, selv om det kanskje ikke er en bevissthet om det i samfunnet generelt. Jeg opplever meg heldig som kjenner Gud, og jeg har fått noen trosstyrkende erfaringer underveis, så jeg vil gjerne formidle Jesus! Og så vil jeg gjerne ha fokus på det sentrale i

den kristne tro. Det er jo mye som kan skape støy i og rundt kirken.

Det står mye om kirkens enhet i Bibelen, og jeg har et sterkt ønske om å bidra til den, både innad i Den norske Kirke og på tvers av kirkesamfunn, seier Fredrik. Og Ine gir uttrykk for at dette er noko dei er mykje opptekne av og står saman om.

Jeg har sansen for å arbeide i folkekirken, der vi har så mange kontaktmuligheter, legg nyepresten til.

– Ja, kva er kyrkja sine viktigaste oppgåver, og kva har du sjølv mest lyst til å arbeide med?

– Det har jeg vel nesten svart på! Men jeg ser jo på meg selv som en ennå ung fyr, som kan ha litt å bidra med når det kommer til ungdommer. I høst skal jeg være med på konfirmantarbeidet både i Jølster, Førde og Naustdal – og ellers stå til tjeneste der jeg trenges, med hovedfokus på Naustdal og tilknytning til kirkekontoret der.

– Kva ser du som di rolle?

– Først og fremst kan jeg kanskje være en samtalepartner for dem som ønsker det, og vil gjerne være en veiviser på troens vei. Jeg vil gjerne ha kontakt med både unge og eldre. Og dessuten tror jeg faktisk jeg kan utfordre ungdommene litt når det gjelder uteliv... ja, jeg mener selvfølgelig friluftsliv!

– Det må vi få høyre meir om! Noko av det som fortel kven vi er, er jo nettopp kva vi brukar fritida til. Intervjuaren har registrert diverse saker i heimen, som kan vere nyttige å ha – om du t.d. skal overnatte ute. Er du speidar, eller?

– Tror nok at jeg har hatt ord på meg for å være en «apekatt» i oppveksten – klatret der det gikk an å kla-



tre! Speider har jeg aldri vært, men det forhindrer jo ikke å trives med villmarksliv – noen ganger med det enkleste utstyr, andre ganger noe mer komfortabelt utstyr. Ine føretrekker nok det siste, i alle fall i dårlig vær.

Dessuten er jeg glad i alle typer ballspill!

Og Helg og Heim sin utsende medarbeidar kan bekrefte at Fredrik ser ut til å vere bygd for både volleyball og korgball.

– Men tilbake til teologien, Fredrik. Kva var det du sa om masteroppgåva – kvifor dette temaet?

– Det er for tidlig å gå ut med detaljer nå – kom igjen om to måneder! Men i en tid da kjærlighetsbegrepet flittig både brukes og misbrukes, vil jeg undersøke Bibelens tale om dette. Da er det nærliggende å gå til apostelen Johannes, som jo tematiserer kjærligheten i sitt evangelium og sine brev. For at det ikke skal bli for omfattende, konsentrerer jeg meg om Johannesevangeliet. Og så levde jo Jesus i antikens tid, så det er spennende å

holde hans budskap opp mot de klassiske tenkerne. – Nå er jeg så motivert for å komme skikkelig i gang! Oppgaven skal fullføres i løpet av høsten.

Vi kan ikkje anna enn ønske lykke til og glede oss til resultatet. Og etter det vi kan sjå, er heimekontoret innreda for gode arbeidsøkter.

Kva så med Ine – kven er ho, utover det å glede seg over rossekoppar og bake nydelege kanelsnurrar, og kose seg med å stelle i stand ein triveleg heim?

Det har vi jo til fulle oppdaga: Dei to oppfattar seg som eit team, og kan ‘spele ball’ om viktige tema – med noko ulike utgangspunkt, men som Ine seier:

– Vi oppdaget at vi har felles verdier!

Nei, ho passar så absolutt ikkje inn i kategorien bakgrunnspynt, bevisst og engasjert som ho er. Stavangerjenta har vakse opp i Misjonskirken, i ein sosialt engasjert heim. No har ho fått jobb i Sunnfjord kommune, men det verkar ikkje som tittelen «prestekone» er av-

skrekande heller.

– Du har eit sjølvstendig og krevande yrke – kvifor valde du nettopp dette?

– Jeg har sett behovene, og jeg har sett hva hjelpetjenester på sitt beste kan være. Selv sagt er det krevende å arbeide med folk som har det vanskelig. Jeg er jo ennå ny i arbeidet, og det er mye å sette seg inn i. Men jeg opplever et godt og støttende arbeidsmiljø, og det betyr mye!

– Har du gjort deg nokre tankar om det å vere gift med presten Fredrik?

– Som sagt – vi er et team. Men han er jo først og fremst mannen min, og vi trives med livet sammen – enten vi slapper av med en god film hjemme i sofaen, er ute i skog og mark eller utforsker byen Førde og omgivelsene. Sammen vil vi gjerne ha et hjem der folk kan føle seg velkommen – og jeg elsker å lage mat i det nye kjøkkenet mitt her!

Ja, det er alt blitt ein heim å kjenne seg velkommen i – og vi takkar for både mat og prat!

MATSOLIDARITET:

Gjev oss i dag vårt daglege brød!

Vi et mykje brødmat – til frukost, niste og kveldsmat, og gjerne ein bolle til kaffien. Men kva slags brød? Av kveite, som det no er mindre av, og som andre treng meir enn oss? Bør vi bli meir solidariske i matvegen?

Tekst og foto: HANNE SCHNITLER

Fram til 1970-talet importerte Norge all matkveiten vi brukte. Dei seinare åra har andelen norskprodusert kveite auka. Året 2021 var eit godt kornår, og norskanden kom opp i 65 %, ei gledeleg utvikling. Men med vårt ustabile klima varierar kvaliteten på kornet, og når ikkje dei fastsette kvalitetsskrava til matproduksjon. Vi er difor heilt avhengige av import, og krisen i Ukraina, tørke og klimaendringar, samt auka gjødsel- og drivstoffpriser, gjer marknaden usikker.

Råvareprisane og energiprisane aukar, og då blir dei fleste varer dyrare å produsere og transportere. Bakeria og andre matvareprodusentar får auka kostnader, og brødet blir dyrare.

Når no prisane aukar på så mange område, betyr det mykje for oss forbrukarar at maten ikkje blir for dyr. Men kan vi kreve at maten skal vere billeg?

På Naustdal Dampbakeri sitt utsal på Kronborg bugnar det med luftige kveitebollar, wienerbrød og skulebollar, og i hyllene er det brød i alle variantar. Heidi Kjøsnes kjem inn frå bakrommet med eit fat med nybakte godsaker. Ho fortel at dei merker uroa. Råvarene er dyrare, og dei har vært nødt til å heve prisene. Heldigvis ser det ut til at kundane har godtatt prisauka, seier ho.

Dagleg leiar Martin Berntsen har mykje på hjartet.

– Det er klart vi er uroa. Heldigvis er ikkje vi råka av straumkrisa i same grad



Blir dette luksusmat framover? Hos Naustdal Dampbakeri tilbyr Heidi Kjøsnes freistinger som no kostar litt meir.

som dei lenger sør. Men vi samarbeider med andre, og veit at fleire bakeri kanskje ikkje vil klare seg. Kva skjer om bakeria må legge ned? Vi er den einaste matleverandøren som leverer ferske varer dagleg til butikkane.

– *Er eit lokalt bakeri opptekne av solidaritet med dei landa som ikkje har økonomi til å importere korn til sine eigne innbyggjarar?*

– Ja, kjem det spontant. – Korleis kan vi ha samvit til å karre til oss alt vi vil ha,

når heile Midt-Austen og Nord-Afrika treng dei same råvarene? Då blir det litau meinings i det vi held på med. Men eg trur ikkje så mange tenkjer i dei banene. Vi skulle gjerne nyttta meir norsk korn, men kvaliteten er for ujamn, så vi er avhengige av importert korn. Eg trur også at kostnadene med å produsere god nok kvalitet på kornet i Norge blir for høge. Og eg trur nok ikkje kundane godtek at vi går ned på kvaliteten på brødet. Vi ynskjer fortsatt å ha fokus på god kvalitet. Dermed må vi godta at prisane blir høgare. Om vi firer

på kvaliteten er vegen kort til at kundane vel vekk det ferske brødet, og då mistar vi det volumet som trengst for å levere dagleg.

– Kva gjer de for å møte utfordringane?

– Vi er avhengig av innkjøpsavtalar, og vi er små overfor matvarekjedene. Men det skjer ein del på landsplan. Ny teknologi kan hjelpe oss å styre kor mykje butikkane skal ta inn av varer, og då kan ein redusere matsvinnet. Det er jo forferdeleg at det blir kasta så mykje mat, og her er det mykje å hente. Vi er og med i ordninga To Good to Go, der ein kan kjøpe mat som er til overs på kafeane våre mot slutten av dagen. Og nye direktiv kjem med pålegg om mindre svinn i alle ledd, så eg vil seie at bransjen gjer ein god del.

Martin Berntsen har eit ynskje til slutt:

– Kvar av oss må vere bevisst at maten vi et er ein del av ein større samanheng. Alle har eit medansvar for å kaste mindre, og vi må godta at maten blir dyrare for at fordelinga av resursane skal bli rettferdig.

Jenny-Marie Håland driv Erketunet gardsbakeri i Gjesdalen i Jølster, og kafé og landhandel på handelshuset Alt i Førde. Ho sel økologisk brød av ulike kornsortar.

– Eg nyttar norsk kveite frå Holli Mølle. Då kan eg få mjøl frå mange produsentar, og kvaliteten kan variere. Dermed kan bakerresultatet bli ulikt. Men det har eg lært meg å leve med. For meg er det viktig å utnytte dei norske råvarene, og eg nyttar gjerne gamle norske kornslag som spelt og emmer. Dei gir meir smak, mettar meir og er sunnare.

Dei store aktørane er avhengig av stabil og høg kvalitet på mjølet, og kan ikkje gjøre



Jenny-Marie Håland sel bakarvarer laga av norsk mjøl.

som Jenny-Marie. Dermed er det for liten etterspurnad etter norsk mjøl.

– Mykje av det norske mjølet held ikkje kvalitetskrava og går difor til dyrefor, fortel ho. – Mykje meir av det norske kornet burde nyttast til menneskemat.

På Erketunet sel Jenny-Marie andre varer òg, noko frå lokale produsentar, men òg langreist kaffi, te og delikatesser. Importøren som ho får kaffien frå, har direkte kontakt med produsentane.

– Eg veit at eg får god kvalitet til ein rett pris, der produsentane har gode arbeidsvilkår og akseptabel løn, seier ho. – Det må jo og vere ein måte å vise matsolidaritet på.

Matsolidaritet

Uro i verdsmarknaden og følgjande høgare prisar vil nok vare ved. Vi veit at andre land har større behov for kveiten enn oss. Verdens Matvareprogram WFP, som sikrar matforsyning til områder i krise, seier at rundt 40% av kveiten dei kjøper inn er frå Ukraina.

Bør vi vise matsolidaritet? Bør vi legge om vanane våre? Kan vi godta brød der vi nyttar mjøl av lågare kvalitet? Er vi villige til å betale meir for dei gode brøda vi er vande med?

Kanskje vi må endre synet på vårt daglege brød.



Kan du hjelpe eit barn eller ein ungdom som har det vanskeleg?
No er det behov for fleire fosterheimar i ditt nærområde.

Den norske kyrkja samarbeidar med Fosterheimstenesta i Sogn og Fjordane om å finne fosterheimar i kyrkjelydane.

Meir informasjon om fosterheim på
fosterheim.no

SISSEL VARTDAL, DEN NYE KYRKJEVERJA I SUNNFJORD:

– Eg brenn for kyrkja og det loka

Sissel Vartdal møter oss på Kyrkjetur i Førde. Kontordøra står open. «Det skal den som regel gjere», smiler ho. «Eg ønskjer å vere ein tilgjengeleg og synleg kyrkjeverje!»

Ho er frå Vartdalsbygda på Sunnmøre, men har frå 20-årsalderen hatt Bergen som heim og base for eit breitt arbeidsfelt med overordna leiarsvar på landsbasis og lokalt. No er ho godt i gang med å gjere seg kjend med alle dei tilsette i Sunnfjord kyrkjelege fellesråd, og etter kvart med alle dei ti kyrkjene og dei 14 gravplassane i kommunen.

Tekst: REIDAR EIDE Foto: JOY TAYLOR

Sissel leiger hus på Espeland i Gauldalen, men vekependlar frå heimen i Bergen.

– Det tenkjer eg skal gå fint. Bilen fungerer både som framkomstmiddel og rekreasjon. På Espeland lever eg tett på naturen, medan eg har alt eg treng i byen. Eg har hørt at det er mange flotte fjellturar i Sunnfjord. Det gler eg meg til å utforske nærare! Eg ser også fram til å få vere med på søndagsgudstenester og anna aktivitet i alle dei ti kyrkjene våre.

Gode spor å gå i!

– Kyrkja og folket som hører til, er viktige byggesteinar i lokalsamfunnet. Difor brenn eg for kyrkja, og for rolla mi som kyrkjeleg leiari og forvaltar.

God forvaltning er å nytte alle tilgjengelege ressursar, både materielle og immaterielle, best mogleg slik at kyrkja kan fylle sitt oppdrag. Dette er sentralt for kyrkja som trussamfunn og folkekirkje. I tillegg spelar kyrkja ei viktig rolle i samfunnet ved å trygge barn og unge sine

oppvekstvilkår, etablere ulike møteplassar, gjennom omfattande bruk av frivillige og ved å samarbeide og vere tilgjengeleg for det offentlege hjelpeapparatet – og folk – når dei store krisene skjer. Kjenneteikn på eit godt samfunn er sterke sivile aktørar, der har kyrkja framleis ein naturlig plass.

Eg veit at Sunnfjord har mange ressursar. Her er svært dyktige og trufaste tilsette på alle arbeidsfelt. Her er engasjement og kompetanse, kort sagt gode spor å gå i for meg som ny. Oddvar Etnestad og Inger Haageberg Øvrebo har gjort godt arbeid før meg.

Eg er veldig glad for tilliten eg har fått, og vil gjere mitt beste for å vere ein god leiari for alle tilsette i kyrkja i Sunnfjord.

Leiaren

Sissel Vartdal har ei brei leiarfaring. Ho kjem frå jobb som seniorrådgjevar i Kyrkjerådet der ho arbeidde med oppsumering av høyringa om kyrkjeleg organisering. Åra før

var ho den første HR-sjefen i Kyrkjerådet der hovudoppgåva var å flytte prestane frå staten og over til ein sentral kyrkjeleg arbeidsgjevar. Ho har vore nestleiar og medlem av Kyrkjerådet og har også bakgrunn frå bispedømmeråd og Mellomkyrkjeleg råd. Ho har vore personalsjef i Sjømannskyrkja, prosjektleiari for Demokratireforma, og mange år som kyrkjeverje i Fjell kommune ved Bergen. Den første kyrkjelege leiastillinga var som administrasjonsleiari for Bergen kyrkjelege fellesråd.

«Vi skal vere synlege og delta!»

– *Kva ønskjer du å få til som kyrkjeverje her i Sunnfjord?*

– Som tidlegare nemnt; det blir min jobb å ha ansvaret for best mogleg forvaltning av ressursane, både økonomisk og menneskeleg. Som kyrkjeverje skal eg syte for gode rammer rundt arbeidet, både for kyrkjeagle stillingar, for administrasjonen og for dei som har sitt daglege virke i kyrkjer og på kyrkjegardar. Vi skal bygge god intern samhandling, og gode relasjoner eksternt. Til folk, lag og organisasjoner i byen og bygdene rundt, til Sunnfjord kommune og til andre aktørar. Vi skal vere synlege og delta der det er naturleg å delta.

Vi har ti kyrkjebygningar og 14 gravplassar å ta vare på. Dei har si viktige historie, og folket i bygdene er knytt til dei gjennom gudstenester og elles i glede og sorg. Her i Sunnfjord har det vore gode vedlikehaldsplana og godt arbeid. Mitt ansvar, saman med mine tilsette, blir å vidareutvikle, ta vare på kyrkje og stelle fint på gravplassane.

Fylle oppdraget som kyrkje

– I år er det «Frivilligetas år». Det minner oss på at alt i kyrkjelyden er avhengig av at mange brukar fritida si til felles beste. Det er dei flinke til her i Sunnfjord i alt av barne og ungdomsarbeid, idrettslag så vel som i dei kristne organisasjonane. Eg er glad for kvar enkelt medarbeidar og den samla kompetansen dei representerer, men frivilligheita er heilt avgjande for at vi skal greie å vere kyrkje!

kale engasjementet!

Eg gler meg!

– Ny storkommune og pandemi...?

– Vi er heldigvis over i «steg to eller tre» i desse prosessane. Den verste smittebølgja er vonleg over, men vi må hugse at mykje arbeidstid i kyrkjelydane i Noreg dei siste par åra har gått med til å planlegge og gjennomføre smitteverntiltak i alt frå gudstenester, kyrkjelege handlingar elles, trusoppklärings, diakoniarbeidet og korverksemda. Det er godt å kunne planlegge og gjennomføre kyrkjeleg aktivitet innanfor kjente rammer igjen.

Så er vi ikkje lenger fire kommunar, men ei. Dei fire kyrkjekontora i Sunnfjord skal bestå, og med gode arbeidstilhøve for alle. Utfordringa er å få til ei heilskapleg tenking og best mogeleg utnytting av våre samla ressursar. Eg gler meg til å snakke med og bli kjent med kvar enkelt av dei tilsette no i haust.

– Til sist, Sissel: Du har travle tider framfor deg. Korleis slappar du av?

– Eg brenn for jobben min, men er og glad i fritid. Vere med vener og familie, lese bøker og ha ei god veksling mellom friluftsliv og byliv.

Helg og Heim ønskjer lukket til!



MALER RUNE
SKILBREI
MALING · TAPET · GOLVBELEGG · FLISER

Skal du bygge heilt nytt, eller forme litt?

Vi har utvalet! **Velkommen innom Skilbreibutikken i Naustdal!**

Følg oss!
fb.me/malerskilbrei
[skilbreibutikk/](https://www.instagram.com/skilbreibutikk/)

BELLIS
BLOMSTER

Tlf. 57 82 07 22 | www.bellisblomst.no
ALTI, Førde

Senioruniversitetet i Førde – staden der ein

Korleis kan det ha seg at ein i Førde har eit fellesskap der ein kan høre interessante foredrag, kjøpe svele og kaffi, og reflektere over store, vanskelege spørsmål? Kort sagt bli litt klokare?

Tekst: NELLY RAMSTAD og SOLRUN ULLALAND

Sokneprest Ingvald Andersen Frøyen utfordra Kunstgruppa i Førde til å fortelje om Senioruniversitetet i Førde til Helg og Heim. Vi tok med glede mot denne oppgåva.

Ho ønskten «noko å bryne seg på»

Då telepensionisten Dagunn Klakegg «flytta heim igjen til Førde» ved milleniumskiftet, etter å ha vore vekependlar frå Bergen, kjende ho sakn etter det rike kulturtilbodet som ein storby kan tilby. Ho hadde vore ivrig etter å høre foredrag på Senioruniversitetet i Hordaland som var starta av Jakob Skarstein i 1997. Ho ønskten «noko å bryne seg på» og «å strekke seg etter» sjølv om ho vart pensjonist. Kanskje ein kunne skipe sitt eige Senioruniversitet – i Førde?

Og det vart ikkje berre med tanken. Først vart alle pensjonistgruppene i Førde inviterte til eit møte for å drøfte om ein skulle starte ein forelesingsserie etter same mønster som Senioruniversitetet i Bergen. Desse gruppene møtte så til eit skipingsmøte: Lions club Førde, Odd Fellow v/losje Fjordlenken, Postpensjonistane, Telepensionistane, Pensjonistlaget i Førde, Landslaget for off. pensjonister, og danna eit interimsstyre med leiar Dagunn Klakegg.

Senioruniversitetet i Førde vart skipa 28. juni 2000, og Dagunn Klakegg vart vald som leiar dei første 4 åra. Ein la opp til å drifta organisasjonen på same måte som Senioruniversitetet i Hordaland og prøve å få dei same foredragshaldarane som hadde vore i Bergen, til å gjeste også Førde.



Fra forelesingssalen i SUiF 2016 der Per Steinar Melås foreleste om temaet «Ta vare på hjernen din». Foto Monrad Kolstad.

Årsmeldingane syner at foredragshaldarane var ei blanding av regionale og tilreisande folk, og tema kunne variere mellom samfunnsanalyser, f.eks. 'skilje kyrkje/stat' og lokale forhold 'når fjellsidene tek til å «vembe»'.

Talet på tilhøyrarar på forelesingane var lenge omkring 40 – 50. For å auke interessa vart det sett opp plakatar i nabokommunane – og etterkvart sendt e-post til medlemene med informasjon om foredragshaldar og tema. Kvart medlem fekk og oversyn over forelesingane det kommande halvåret. Meldingar kom og på «Det skjer» i Firda, og derved vart tilhøyrartalet nesten fordobla.

Etter kort tid vart det etablert undergrupper innanfor ulike særinteresser:

Filmgruppa starta 24. januar 2001. Kontaktpersonen i filmgruppa vart endå ein heimflytta telepensionist, Målfrid Haveland, og ho er framleis med. Kinosjefen i kommunen er gruppa sin fagperson. Ho fortel at det brukte å vere skikkeleg festleg på styremøtet som vart halde når kinosjefen kom tilbake frå filmfestivalen i Haugesund og kunne vise innhald frå nye filmar. Ut frå kinosjefens liste med framlegg til seniorfilmar kunne gruppa velge filmar dei meinte var høvelege for framsyning

på føremiddagskino, 1 gong per mnd. 3-4 gonger per halvår. Talet på selde kinobillettar kunne variere betydeleg og gruppa diskuterte kva ein kunne gjere for å auke interessa for desse kvalitetsfilmane. Kanskje ville ein førehandsomtale på møta på senioruniversitetet saman med ein smakebit av innhaldet verke positivt. Ein merka seg og at få møtte fram viss seniorfilmen vart sett opp i samband med store høgtider og ferier, - så for seniorar hadde barn og barnebarn høgste prioritet. Og kanskje var film som kunstform mindre akseptert som kulturtilbod enn f.eks. litteratur i denne befolkningssgruppa? Men trass i varierande besøkstal, valde ein å halde fram med dette tilbodet.

Operagruppa kjendest som den mest vågale gruppa å starta opp, men er blitt eit stabilt og ettertrakta tilbod.

I 2002 arrangerte Berit Tveit ein gruppetur til Paris. Målfrid Havelands stemme vert full av glede når ho fortel om turen der ho var med. Eit lite fylgle reiste frå Førde til Paris der dei besøkte kunstutstillingar, såg på skulpturar og bygningar og var på OPERA. Dei var så opprømte at dei begynte å snakke om å danne ei operagruppe i Førde. No var det komme i gang operaframstillingar på Nordfjordeid, - så kva kunne stå i vegen for ein operagrup-

blir litt klokare

petur? Gruppa vart danna same året. Då vart det arrangert busstur til Nordfjord eid, og deltarane såg haustens framsyning, samt runda av turen med middag på Gloppen hotell. Deltarane på turane vart kvar gong imponerte over kva denne bygda i Nordfjord greidde å presere og utføre alt på ein glimrande måte. Dei fann at «dette er kultur på sitt aller beste». Berit Tveit takka av etter nokre år, men Målfrid Haveland m. fl. heldt fram med å arrangere turane.

Opera Nordfjord er ei stifting som vart realisert etter initiativ frå Kari Standal Pavelich og Michael Pavelich i 2000. Dei samarbeider med profesjonelle og lokale institusjonar, som f.eks. Eid VGS og Firda VGS om m.a. kulisgearbeid, kostymesaum, lyssetting, hår og sminke, så vel som song og dans.

Det har ikkje vorte arrangert operatuar dei siste 2 åra – men i år skal gruppa av stad igjen for å sjå/høyre «la Traviata».

Litteraturgruppa er nemnd i årsrapporten frå 2003, og i 2010 vart gruppa delt i to. I den eine gruppa valde deltarane ut kvar si bok frå bibliotekaren si anbefalingsliste. Bøkene gjekk så på omgang. Når alle hadde lese bøkene ut på vårparten, møttest deltarane til ein diskusjon.

I den andre gruppa vart samtalen omkring innhaldet i bøkene gjort meir systematisk. Litterurliste frå bibliotekar inneheldt eldre og nyare litteratur i ulike sjangrar: krim, noveller, lyrikk, romanar m.m. Frå denne lista kunne deltarane komme med framlegg om bøker, og alle deltarane fekk låne same bok. Det vart arrangert samtalemøte om ei bok per månad, 3-4 bøker per 1/2år. Ein analyserte bøkene, som språk, lesaroppleving og innhald. Møta vart haldne på biblioteket. Litteraturgruppa har fungert på denne måten sidan, men aktiviteten i gruppa stansa opp i 2020.

Kunstgruppa er den yngste av særgrupper i Senioruniversitetet i Førde. Etter at Folkeuniversitetet hadde avslutta den første kunstførelsingsserien i Førde med mag.art. Terje Hauken i 2012, danna Da-



Kunstgruppa viser fram utbreddsida med biletveven «Kyrkjeåret». Frå venstre: Kari Eikås, Solrunn Ullaland, Astrid Juklestad, Ragnhild Schei Fauske og Nelly Ramstad.

BOKSLEPP: Etter mange utsetjingar kunne endelig Senioruniversitetet si Kunstgruppa i presentere boka «Kunstverk i Førde kyrkje».

Tekst og foto: Hanne Schnitler

Det er ikkje enkelt å gje ut ei bok. Det fekk Kunstgruppa i Førde erfare. Dei hadde planar om å gje ut eit lite hefte om kyrkjekunsten, men skal ein få gode bilete, må det betre papirkvalitet til. Dermed blei det bok med stive permar, printa hos Natvik i Florø. Ein utfordring var å få presentert Maren Erland si biletvev «Kyrkjeåret» i boka. Trykkeriet løyste det ved å leggje inn ei dobbel utbrettsside i boka.

gunn Klakegg ei gruppe av interesserte personar. Føremålet var å auke interessa for og å få betre forståing av eldre og nyare kunst. Deltarane skulle kunne gå på utstillingar saman, samtale om kunstopplevingar og reise på turar saman. Dagunn var leiar i gruppa dei første 4 åra og i desse åra vart det arrangert turar til Roma, Berlin, Bergen og rundt Jøstravatnet.

I 2018 heldt Kari Eikås eit miniseminar for medlemmene: 'Kva ein skal sjå etter når ein går på kunstutstilling'. Dette «analyseopplegget» har vorte brukt på dei seinare kunstvandringane der ein har fordelt kunstverka på fleire personar, som så har førebudd seg på å analysere verket for dei andre i gruppa, f.eks. på skulptur-

I samband med gudstenesta søndag 3. juli, vart det bokslepp. Leiar av Senioruniversitetet, Astrid Juklestad, fortalte under kyrkjekaffien om prosessen og utfordringane med å utgi boka. Senioruniversitetet har hatt det økonomiske ansvaret, medan kunstgruppa har hatt ansvar for innhaldet. Solrunn Ullaland og Kari Eikås i Kunstgruppa fekk æra av å presenterte den flotte boka.

Sokneprest Ingvald Frøyen fortalte at boka vil bli nytta på i arbeidet, og kyrkja har kjøpt inn bøker til bruk m.a. i konfirmantundervisninga.

Ei vakker bok er det blitt, med grundig informasjon og gode foto (dei fleste tatt av Dagrunn Reiakvam), ei bok som viser kva for verdiar vi har i Førde kyrkje.

vandringar i Førde. På denne måten har gruppa «analysert» alle dei 28 utadørs skulpturar som finnест i byen.

I Tidsrommet 2019-2022 har to medlemmer av Kunstgruppa samla fotografi og informasjon om kunstverka i Førde kyrkje og fått framstilt ei bok på Natvik Prenteverk AS, Florø – men historia om den boka er jo alt fortalt, i Helg og Heim nr. 4 2021.

Nye medlemmer i SUiF er velkomne! Møt fram i Førdehuset til den annonserete forelesinga, løys billett i billettluka, men meld frå om namn, tlf.nr og e-post til vedkommande som står i døra

Takk til frivillig Nattcuparrangør Arve Endal



Arve Endal vert takka for innsatsen av Hildur Thingnes, leiar i KFUK-KFUM Førde.

Året 2022 er året for Frivilligkeit, og då høver det godt å trekke fram innsatsen til Arve Endal.

Tekst og bilde: SOLVEIG MASDAL HAUGSVÆR

Arve Endal fra Førde har vore med å arrangert Nattcup for konfirmantar i Sunnfjord, Nordfjord og Sogn 40 gongar over 30 år!

Han har hatt ansvar for førebuing og gjennomføring av forballturneringa som har pågått gjennom heile natta på desse Nattcupane, og det har han gjort med stødig hand og med eit smil om munnen. Medhjelparar har kome og gått, men ingen har halde på like lenge som Arve!

På Vårfest i regi av KFUK-KFUM Førde i april i år vart han takka for innsatsen med ei høveleg gåve og ein stor TAKK!

Nattcup for konfirmantar vert frå i år av avløyst av Konfirmantfestival. Den skal gå av stabelen i oktober og skal samle konfirmantar frå heile Sunnfjord til ein innhaldsrik dag på Sande. Dette blir eit samarbeid mellom KFUK-KFUM Sogn og Fjordane, KFUK-KFUM Førde, Bjørgvin bispedømme og kyrkjelydane i Sunnfjord. Vi gler oss til å skape nye gode tradisjonar og kanskje vert Arve å finne i ei eller anna rolle der også?

Vakuumveka i år var på Førde barneskule

Siste veke før skulestart var 51 born samla til aktivitettsveke i kyrkja si regi. Nytt i år var å ha Vakuumveka på Førde barneskule. Som tidlegare år var det både tur og kanopadling. Fleire kasser med lego og Duplo var nytt i år, og bygging i alle slags former var populært. Tema i år var «Paulus og den verdsvide kyrkja». Det resulterte i framsyning i kyrkja, med song, drama og tekstlesing.

– Vi gler oss allereie til neste år, seier trusopplærar Gry Sætre.



Imponerande innsats av alle deltagarane på Vakuumveka.
Foto: Hanne Schnitter



Eiril Håberg, Sunniva Tørring-Jørgensen og Sina Toft Figenschau synest lego er topp!
Foto: Gry Sætre

**Velkommen til
KFUK-KFUM
Førde sitt arbeid
blant barn og ung-
dom skuleåret
2022/2023!**



KFUK-KFUM speidarane

Friluftsliv for jenter og gutter i 4. - 7. klasse, kvar torsdag kl. 18.30 – 20.00, med base på Førde kyrkjetun. Kontakterson: Stig Jonny Fitje, tlf. 90082650.

Deciding, Førde Ten Sing

For ungdommar t.o.m. vidergåande skule. Song, band, dans, drama, leiar trenings, multimedia, leik og moro. Kvar tysdag kl. 19.00 – 21.30 på Førde kyrkjetun. Kontakterson: Gry Sætre, tlf. 90 94 93 16.

SportY Sunnfjord

For ungdommar t.o.m. vidergåande skule. Ikkje-konkurranseretta idrett, friluftsliv og leik. Kvar måndag på Slatten skule kl. 19.00 – 20.30. Kontakterson: Andreas Stokka, tlf. 48210437.

Hausttreff på Nesholmen

30. september – 2. oktober arrangerer KFUK/KFUM Sogn og Fjordane årets leiroppleveling: Hausttreff for ungdom på Nesholmen Leirstad. Sjå eiga annonse for påmelding.

Historisk dag for Ulrik

Dåpsfeiring på
Instedalen skule i
Naustdal.

Tekst: RIGMOR FRØYEN,
sokneprest i Naustdal

Vi håpa lenge å kunne feire dåp ved Vonavatnet 12. juni, men vermeldingar gjorde at vi valde alternativ 2, å vere inne på Instedalen skule. Det høvde bra, sidan delar av familien er heimehøyrande på Savland, og feiringa skulle vere i skulehuset.

Kyrkjeutstyret med alterbord, lysestakar og fine kyrkjetekstilar gjorde at gymsalen vart omskapt til kyrkerom. Bunadskledd dåpsfølgje, inn i prosesjon akkompagnert av Naustedalen spelemannslag, gjorde dåpsgudstenesta høgtideleg og fin. Etterpå var det mat og prat. Jofrid Fimland og Arnhild Fimland stilte med kaffi og natronkaker, og andre hadde også med godskaker som alle fekk smake på. Under kyrkjekaffen fekk vi også musikk, og praten gjekk medan vi trampa takta til vals



Dåpsbarnet Ulrik Grette Savland og dåpsforeldre Anders Savland og Maja Mathea Solberg Grette. Foto: Adelin Leufstadius.

og reinlender. Vesle Ulrik vil nok få høre forteljinga om den fine dåpsdagen i Inste-

dal, den dagen det regna ute, men det var varm og god stemning inne.

Misjonsmesse

Laurdag 5. november
Førde kyrkjetun kl 12-17
Open kafé heile dagen!

Med laurdagsgraut, karbonadesmørbrød, kaffi med kaker!
Program med innslag og fokus på NMS. Gjest: Reidar Standal.
Lynlotteri, áresal, lykkehjul m.m.

Vil du bidra? Ta kontakt:
Messekomitéen
rigmor.froyen@gmail.com
Tlf. 489 57 436

Årets leir for ungdom på Nesholmen!


Leiren vert 30.9. til 2.10. 2022.
Info om leiren og påmelding, bruk QR-koden under.

Loppemarknad

1. oktober 2022 kl. 10-14
Lotteri og kaffi m.m.

Vi ønsker leikar, møblar i god stand, servise, gode barneklede, aktivitetsutstyr, el. artiklar, kjøkenutstyr, pynteting. Vi hentar eller tar imot store ting frå 15. september.
Kontakt Jostein Tjugum, tlf. 41 56 96 38, på sms el. på e-post jostein.tjugum@eninvest.net

FØRDE KYRKJETUN, TLF. 99 15 13 07
WWW.KYRKJA.NO/FORDE



Trusopplæring

For oppdatert informasjon: Sjå heimesida <https://kirken.no/sunnfjord> eller last ned appen MinMenighetsportalen.

STØRST AV ALT

Trusopplæring i
Naustdal sokn:

Spiren

- Babysong på Naustdal kyrkjelydshus. Eit tilbod for born i alderen 0 – 1 år saman med foreldre.

Song, musikk og rytmer for dei minste. Vi ynskjer at Spiren skal være ein god og trygg stad å vere for store og små. Vi har matter som borna kan ligge på, men ta gjerne med eige teppe.

Kl. 11.15 til 12.45. Program fra 11.30 – ca. kl. 12.30. OBS Nytt klokkeslett

Ta gjerne med matpakke! Vi serverer te/kaffi/frukt.

Datoar hausten 2022: 24. august, 7. og 21. september, 5. og 19. oktober, 2., 16. og 30. november.

Førsteklasses - Samling for 6-åringar.

Du som er vorten førsteklassing er velkommen til laurdagsgraut laurdag 24. september kl. 13.00 på Kyrkjelydshuset



i Naustdal. Etterpå skal vi i kyrkja og snakke om det å få nye vener og dele ut ei fin bok og eit arbeidshefte. Invitasjon kjem i posten.

4-år

Laurdag 22. oktober og søndag 23. oktober er det 4-åringane sin tur. Laurdag kl. 15.00 vert det samling på kyrkjelydshuset, og søndag kl. 11.00 gudsteneste i Naustdal kyrkje med bokutdeling. Invitasjon kjem i posten.

Lys Vaken

3. desember fra kl. 17.00 – 22.00 vert 11-åringane invitert til samling i kyrkja. Vi skal vere lys vakne for Gud, for kvarandre og for oss sjølv. Invitasjon kjem i posten.

Naustdal barnekor

Øving kvar onsdag. Det vert to grupper: 1. og 2. klasse øving fra kl. 14.00 – 14.30. 3. og 4. klasse øving fra kl. 13.15 – 13.45. Dirigent er Erlend Os.

Trusopplæring i Førde sokn:

0 – 1 år:

Spiren/Babysong

Kvar onsdag kl. 11.00 i 2. etg. på Førde Kyrkjetur. Spiren er for barn 0 – 1 år, men eldre barn kan også delta. Ta gjerne med matpakke! Vi serverer te/kaffi.

1 - 3 år:

Krøllesamling

Song og formidling frå kl. 17.15 til 17.45 på Førde Kyrkjetur.

14. SEPTEMBER

for barn 2 ½ til 3 år

21. SEPTEMBER

for barn 2 ½ til 3 år

28. SEPTEMBER

for barn 2 ½ til 3 år

2. NOVEMBER

for barn 1 til 2 ½ år

9. NOVEMBER

for barn 1 til 2 ½ år

16. NOVEMBER

for barn 1 til 2 ½ år

10 – 12 år: Ope hus

Førde Kyrkjetur, ungdomslokalet i 1.etg., kl. 18:00

– 19:30. Vi har leikar, formidling, spel, kiosk med sal av blant anna pølse med brød.

- 9. september

- 21. oktober

- 18. november

«Familiesøndag»

- nytt tilbod for heile familien!

- 11. september kl. 16.00 på Slåtten skule i samarbeid med KFUK KFUM speidarane. Det blir leikar og aktivitetar for barna. Ta med grillmat!

- 30. oktober kl. 16.00 på Førde Kyrkjetur i samarbeid med KFUK KFUM Førde. Sal av middag og aktivitetar for barna.

- 20. november kl. 16.00 i Førde kyrkje i samarbeid med Normisjon.

Søndagskulesamling i Tårnstova og avslutning med vandring. Ta med kaffimat!

Korskulen i Førde

Korskulen har tre kor, og alle over i Førde kyrkje kvar tysdag:

Knøttekor

– ca. 3,5 år til ca. 5 år:

Kl. 17.20 – 18.00

Aspirantkor

– ca. 6 år – 2. klasse:

Kl. 18.05 – 18.50

Jentekor

3. – 6. klasse:

Kl. 18.55 – 20.00

Har du lyst å bli med? Ta kontakt med dirigent Gro Gunnarson: gro.gunnarson@sunnfjordkyrkja.no, eller sjekk Facebooksida «Korskulen i Førde kyrkje»

Kontingent per semester:
Knøttekoret kr. 150, Aspirant- og Jentekoret kr. 200.

*Gravminne
finn du hos oss*



FAGMILJØ

Firdavegen 20, 6800 Førde, tlf. 57 72 10 60

1 - 2 - 3!

Om du var i Naustdal sentrum ein av dagane før skulestart la du kanskje merke til ein gjeng born som sprang og forsvann inn i kyrkja.

Tekst: JENNY ØDVEN SNILDAL

Foto: DELTAKARAR på 1-2-3 dagane

Var du litt nysgjerrig gjekk du inn, opna forsiktig døra og keik inn i kyrkjerommet. Der såg du born som lytta til Rigmor prest som fortalte om perler eller du hørde Helle Kartveit frå NMSU som fortalte om dei fire t-ane vi kan dele med andre, tru-talent-tid-ting.

Om du venta litt, såg du dei springe til Naustdal kyrkjelydshus. Der vart dei delt i grupper og tok til med ulike aktivitetar. Tok du turen bakom kyrkjelydshuset ville du sjå ein fin gjeng ivrig opptekne med å lage trebåtar.

Gjekk du opp i andre etasje var der ein gjeng som malte, fine maleri på lerret eller på steinar frå naturen.



Frå venstre: Signe Marie Årdal-Stuhaug, ungdomsleiar Andrea Fagerheim Aase, Emma Oliva Dvergsdal Helgås, Inga Eimhjellen Aarsbog, leiar Marit Grete Våge Apneseth, Ronja Slettemark, Torje Fresvik Engebø og Andreas Erdal.

Og tok du turen ned på stranda var der òg ein gjeng. Dei var samla rundt ei bålpanne der dei steikte pinnebrød. Stod du der lenge nok ville du sjå at det vart dessert òg. Banan med sjokolade.

Ein fjerde gjeng sprang rundt med kamera og tok bilde av alt som skjedde.

Det du hadde vore vitne til

var gjennomføring av 1-2-3 dagane til Naustdal kyrkjelyd. Undertittelen på dagane er: «Eg – eit skapande menneske?»

Gud har skapt oss og naturen rundt oss, kva kan vi skape?

Dagane vart avslutta med utstilling og ein liten basar der foreldre, besteforeldre og

søsken var invitert. Det kom inn kr 2 700,- til NMSU sitt arbeid i Thailand.

Dagane var gjennomført med god hjelpe av ungdomsleiarar og vaksne som hadde ansvar for dei ulike gruppene.

Stor takk til deltararar, ungdomsleiarar og andre leiarar for tre fine dagar.

Spesialist på gamle klokker, veggur, lommeur og armbandsur

Har klokka di høg personleg verdi - er den kanskje eit utsatte arvestykke? Treng den ettersyn - reparasjon eller restaurering?

Urmakarverkstad i Førde med ekspertise og lang erfaring på reparsjonar av alle typar ur. Henting og levering etter avtale om ønskeleg. Gratis, fast prisoverslag. 6 års garanti på overhaling av veggur.



Roger Pettersen A/S
OFFENTLEG GODKJEND URMAKAR
6810 Førde - tlf. 907 32 380

NY, LOKAL BOK:

“Kunstverk i Førde kyrkje”

Flotte foto i heile boka!
Du får kjøpt boka i
Norli bokhandel, hos Fotograf
Reiakvam, på Senioruniversitetet,
eller hos Solrun Ullaland,
mobil: 992 99 650,
e-post: solulla@online.no.
Pris Kr. 390,-

**Senioruniversitet
i Førde**

Prosjekt Kunstverk i Førde kyrkje

“Eit smykkeskrin
av ei bok”
E.Natvik,
Florø



AKTUELT I KYRKJELYDANE

10-kaffi

Ein uformell samlingsplass for kaffi og drøs, kvar onsdag frå kl. 10.00 i ungdomslokalet på Førde kyrkjetun. 10-kaffien er eit samarbeid mellom Førde Frivilgsentral og Førde kyrkje.

Førde kyrkjekor

Førde kyrkjekor har øving i Førde kyrkje onsdagar kl. 19.00. Ta kontakt med dirigent Gro Gunnarson om du vil vere med!

Kyrkja i byen

Omlag kvar onsdag frå kl. 14.00 – 16.00



sit ein person frå Førde kyrkjelyd på Skywalken mellom handelshusa i Førde, klar til ein prat. Velkommen!

Kvinneweekend

«Mødre i Bønn» arrangerar kvinneweekend på Førde Gjestehus og Camping 23. - 25. september. For program og informasjon, ta kontakt med Ingunn Osen Lervik, tlf. 928 39 451.

Samtalegruppe – for deg som har mista ein som stod deg nær

Dette vil vere ein stad der du kan dele tankar og erfaringar med andre som opplever liknande situasjon. Tilboden er ope for deltakrar frå andre kommunar. Gruppemøtingane vektlegg erfaringsdeling, men kan også ha faglege innlegg.

Arrangørar er Helse Førde, Kyrkja og Sunnfjord kommune.

For informasjon og påmelding kontakt diakoniarbeidar Ingvar Vagstad, tlf. 911 38 732, ingvar.vagstad@sunnfjordkyrkja.no, eller kreftkoordinator i Sunnfjord kommune Berit Ullebust, tlf. 948 24 254, berit.helen.ullebust@sunnfjord.kommune.no

Økumenisk bønesamling

Fredag 30. september kl. 18.00

Bønesamling i Førde kyrkje for alle kristne trussamfunn i Sunnfjord kommune. Vi ber for verda og for vårt eige lokalsamfunn. Uformell møteplass der vi kan treffé andre vi deler trua med.

Loppemarknad på Førde Kyrkjetun

Laurdag 1. oktober kl. 10.00 – 14.00

Velkommen til hyggeleg loppemarknad og kafé på Førde Kyrkjetun! Leiker, barnekles, servise, pynt og møblar kan få nye eigalar denne dagen.

Konsertar Førde kyrkje

TIRSDAG 4. OKTOBER

kl. 17.30 Haustkonsert med alle kora i kyrkjelyden

FREDAG 21. OKTOBER

kl. 19.00 Orgelkonsert med Iver Kleive

SØNDAG 23. OKTOBER

kl. 19.00 Jubileumskonsert – Førde Kyrkjekor 50 år!

LAURDAG 19. NOVEMBER

kl. 17.00 Førde kammerkor: «Te Deum» av Charpentier, med solistar, kor og instrumentalt akkompagnement.

Misjonsmesse for NMS Sunnfjord

Laurdag 5. november kl 12.00 – 17.00:

Velkommen til inspirerande messedag på Førde kyrkjetun. Open kafé heile dagen! Sal av handarbeid, lefser, heimelaga syltetøy m.m. Variert program, åresalg, lynlotteri og lykkehjul for dei minste.

Dagen skal inspirere til innsats for NMS og kyrkja sitt verdsvide arbeid. Talar vert Reidar Standal, tilsett i NMS Sogn og Fjordane frå 1983 til 1992.



Langebru. 26 (v/Domus)
Førde
Tlf. 472 56 398
eller 578 21 340

KUNSTNARMATERIELL
INNRAMMING
BILDE



KVALITET
GJENNOM
GENERASJONAR

57 72 41 40
dampbakeriet.no



Din nye bustad finn du hos oss!
Vi leverer også kjøkken, bad og garderobe!
Du finn oss på Halbrendøsøra i Førde.
www.gravdal.no - tlf. 47 87 40 00



Gravdalgruppa
Førde - Bergen

Deciding 50 år!

Basar i Naustdal kyrkjelydshus

Laurdag 22. oktober

Det var mykje folk og god stemning då kyrkjelydshuset arrangerte basar i fjor.

No prøver vi igjen; med basar, to åresal og hovudlotteri.

Kafeen er open frå kl. 12.00.

Om du har lyst å gje ein gevinst, kan den leverast på Naustdal kyrkjelydshus.

Fleire arrangement er under planlegging, men ikkje avklart i det bladet går i trykken. Vil du ha meir informasjon om det som skjer, kan du ta kontakt med kyrkjekontora.

ALT I
 ● SPORTSKLEDE
 ● SPORTSUTSTYR
 ● BARNEUTSTYR
 Erdal Sport
INTERSPORT
 Førde

I år er det 50 år sidan Førde Ten Sing Deciding starta opp, og det har vore Ten Sing arbeid i Førde, utan avbrekk, sidan den tida.

Tekst: ELSE OSMUNDNES KVAMSÅS

Foto: LARS BJARTE OSLAND



Mange ungdommar har drive med kor, band, dans, drama, lydteknikk, video, leik og mykje meir i løpet av desse åra. Mange ungdommar har fått utfordringar og ansvar, og har utvikla seg gjennom dette. Heldigvis skal mange ungdommar få drive med Ten Sing i Førde framover, i tråd med Ten Sing ideologien «Ungt ansvar, voksent nærvær».

I samband med Decidinga sin vårkonsert 11.juni var

det feiring av 50-årsjubilanten. Ein fin gjeng med tidlegare Decidingarar møttest på Kyrketunet for øving og mimring, før dei fekk med seg vårkonserten til Deciding. Mot slutten av konserten fekk jubileumskoret sleppe til. Etter konserten var det bursdagsfest på Kyrketunet med god mat, meir mimring og svært god stemning.

For tidlegare Decidingarar var det kjekt å sjå enga-

sjementet og kreativiteten til ungdommane som er med i dag. Dei leverte ein imponerande konsert der dei fekk vise fram det dei har arbeidd med siste året. Ten Sing har utvikla seg, sidan starten i Førde i 1972, og i Norge i 1968, og den gjeldande ungdomskulturen har vore det som har styrt innhaldet. Men noko har vore fast; samhallet og moglegheita til å få utvikle seg og vere seg sjølv.

HELLENES
 AUTOMATION - ELECTRICAL - MECHANICAL

PROTOLAB VEST

Astrid Blomster
 Elvetorget, Førde
 Tlf. 57 82 17 05
 astrid.blomster@interflora.no

Reiakvam
 - Din fotograf i Førde sidan 1946
 57 82 19 77 / foto@reiakvam.no
 reiakvam.no

X EXTRA
 NAUSTDAL

Best
 NAUSTDAL

GUDSTENESTER

Her er liste over planlagte gudstenester. Det kan bli endringar!

Følg med i Firda og www.sunnfjordkyrkja.no, eller kontakt kyrkjecontoret.

SØNDAG 25. SEPTEMBER

Førde kyrkje 11.00 Familiegudsteneste
Holsen kyrkje 11.00 Gudsteneste
Naustdal kyrkje 11.00 Gudsteneste med presentasjon av konfirmantar og innsetjing av Fredrik Bråttvik.

TORSdag 29. SEPTEMBER

Haukedalen kyrkje 19.00 Mikkelsmesse
Førde kyrkje 19.00 Kvardagsmesse

FREDAG 30. SEPTEMBER

Førde kyrkje 18.00 Økumenisk bønesamling

SØNDAG 2. OKTOBER

Førde kyrkje 11.00 Gudsteneste

SØNDAG 9. OKTOBER

Førde kyrkje 11.00 Gudsteneste
Naustdal kyrkje 11.00 Gudsteneste

SØNDAG 16. OKTOBER

Førde kyrkje 11.00 Gudsteneste
Holsen kyrkje 11.00 Gudsteneste

SØNDAG 23. OKTOBER

Førde kyrkje 11.00 Familiegudsteneste
Naustdal kyrkje 11.00 Familiegudsteneste
Utdeling av 4-årsbok

TORSdag 27. OKTOBER

Førde kyrkje 19.00 Kvardagsmesse

SØNDAG 30. OKTOBER

Førde kyrkje 11.00 Gudsteneste
Haukedalen kyrkje 11.00 Gudsteneste
Instedalen skule 16.00 Gudsteneste

TORSdag 6. NOVEMBER

Førde kyrkje 11.00 Gudsteneste
Naustdal kyrkje 11.00 Gudsteneste
Førde kyrkje 16.00 Minnegudsteneste

SØNDAG 13. NOVEMBER

Førde kyrkje 11.00 Gudsteneste
Naustdal kyrkje 11.00 Familiegudsteneste
Veiring kyrkje 15.00 Familiegudsteneste
Holsen kyrkje 19.00 Gudsteneste

SØNDAG 20. NOVEMBER

Førde kyrkje 11.00 Gudsteneste
Førde kyrkje 13.00 Dåpsgudsteneste

TORSdag 24. NOVEMBER

Førde kyrkje 19.00 Kvardagsmesse

SØNDAG 27. NOVEMBER

Førde kyrkje 11.00 Familiegudsteneste
Naustdal kyrkje 19.00 Lysmesse

Kyrkjekesyss Førde kyrkje hausten 2022

Treng du skyss til gudsteneste søndag klokka 11.00? Då kan du ringje telefonnumera på lista nedanfor.

For meir informasjon kontakt kyrkjecontoret måndag-fredag kl. 8 – 15: Tlf. 57 82 81 80. Kyrkjekesyssen er gratis.

4. SEPTEMBER:

Ingvild og Harald Eikenes
tlf. 99365322/91388644

11. SEPTEMBER:

Elin og Gunnar Flatland tlf.
90850245/91301371

18. SEPTEMBER:

Per Ingolf Nygård
tlf. 91819561

25. SEPTEMBER:

Gunnar Johannessen
tlf. 91727191

2. OKTOBER:

Ingvild og Harald Eikenes
tlf. 99365322/91388644

9. OKTOBER:

Elin og Gunnar Flatland
tlf. 90850245/91301371

16. OKTOBER:

Per Ingolf Nygård
tlf. 91819561

23. OKTOBER:

Gunnar Johannessen
tlf. 91727191

30. OKTOBER:

Ingvild og Harald Eikenes
tlf. 99365322/91388644

6. NOVEMBER:

Elin og Gunnar Flatland
tlf. 90850245/91301371

13. NOVEMBER:

Per Ingolf Nygård
tlf. 91819561

20. NOVEMBER:

Gunnar Johannessen
tlf. 91727191

27. NOVEMBER:

Ingvild og Harald Eikenes
tlf. 99365322/91388644

Kan du tenke deg å stille som sjåfør? Ta kontakt med diakon Anita!
Anita Øvreås Rusken,
diakon, Tlf: 90068514



Velkommen til oss!

Elvevegen 1, Førde
(ved Kunstmuseet)

Alle dagar
utanom torsdag 11-15
Torsdag 11-17

Tlf. 404 33 220

MILJØ MØTEPLESS MISJON



ARKI ARKITEKTAR

Hafstadgården
Fjellvegen 11, 6800 Førde
Nettside: arki.no



Førde Fargehandel %s

TLF. 57 82 99 50
DIN LEVERANDØR AV MÅLARVARER

Gode tilbod på flis, belegg, stein,
ferdigplen, støttemur, kvit singel.
Vi kan flislegging!

Boligkompaniet...

www.bruflis.no tlf. 90 61 96 54



Timebestilling
Drop-in

Tlf. 57 82 62 35
Langebruvegen 19
6800 Førde



DØYPTE

FØRDE KIRKJE

24. APRIL	10. JULI Noah Maximilian Cortez Hånes
Sara Aamot Holsæter Jenny Dvergsdal Aase Johannes Aam Bringeland Even Leknes Raftevold	Leo Lillehaug Rønning May-Ingrid Kollanes <i>Døypt i Meland kyrkje</i>
15. MAI Ivar Hestad Samson Cornelius Årdal Aurora Akse Erle Evelina Hermundsplass Flaten	24. JULI Ludvig Johan Jervell Søgnen
29. MAI Sander Holsen Fugle Signe Heggheim Malis Bjarne Johan Marsfjell Reikvam	31. JULI Marcus Berger-Nilsen Øksenberg <i>Døypt i Krossundkrossen</i>
5. JUNI Marie Furevik Følstad Ella Olivia Nydal <i>Døypt i Ålhus kyrkje</i>	7. AUGUST Emil Systad Kilnes
12. JUNI Theo Bruland <i>Døypt i Sande kyrkje</i>	Felix Dobosz Håvik Matheo Ripe Jakobsen
19. JUNI Astrid Hansen Nesheim Vårin Walle Kirketeig Magnus Blehr Jakob Oliver Solheim Høyvik	14. AUGUST Olai Mjåseth Nygård <i>Døypt i Helgheim kyrkje</i>
	21. AUGUST Johannes Tefre Solheim Kasper Aas Bjørset Mathias Stølvik Gjertsen Live Furevik

VIGDE

FØRDE KIRKJE

7. mai	Florijoy Macasalabang Tagadtad og Dan Inge Flatjord Herland
4. juni	Reidun Myhre og Holger Eindride Aasen Nina Johanne Vallestad og Kai Ove Flæte
11. juni	Nadine Isabelle Humblen og Håvard Stølen
25. juni	Marianne Bjørvik og Eirik Trontveit

23. juli	Eirin Lund-Førde og Miriam Lund-Førde
30. juli	Kristina Austrheim Bratten og Arild Hafstad
20. aug	Karoline Holsen Kyte og Halfdan-Emil Færø
Sunnfjord Museum	
14. mai	Stig Magne Spjutøy og og Rigmor Johanne Kandal

GRAVFERD

FØRDE KIRKJE

29.04.	Anders Bekken	f. 1950
03.05.	Odne Johan Kvamme	f. 1961
05.05.	Inger Berger-Nilsen	f. 1929
12.05.	Karen-Margrethe Brede	f. 1944
	Sverre Aasen	f. 1947
13.05.	Arne Brevik	f. 1933
20.05.	Åsbjørn Hegrenes	f. 1957
24.05.	Per Bruland	f. 1940
27.05.	Kåre Lien	f. 1940
08.06.	Vigdís Aalen	f. 1956
16.06.	Herborg Øvrebø	f. 1924
17.06.	Oddrun Kvamme	f. 1930
21.06.	Idrun Indrebø	f. 1934
28.06.	Dagfrid Roska Einy Mo	f. 1930 f. 1924
19.07.	Berit Hallerud	f. 1935
26.07.	Jenny Kvammen John Norvald Kirkeli	f. 1923 f. 1932
28.07.	Gunnar Stensrud	f. 1947
29.07.	Siri Oddrun Ødelien	f. 1938
02.08.	Georg Torvald Dalen	f. 1934
11.08.	Jenny Farsund	f. 1925
16.08.	Erik Slåtten	f. 1938
19.08.	Tore Loftheim	f. 1954

HAUKEDALEN KIRKJE

22.07.	Erling Hage	f. 1934
--------	-------------	---------

HOLSEN KIRKJE

30.06.	Norvald Tormod Husetuft	f. 1938
15.07.	Ragnvald Nydal	f. 1934
18.08.	Borghild Margrethe Holsen	f. 1925

NAUSTDAL KIRKJE

15.07.	Sigurd Buanes	f. 1930
04.08.	Oddvar Henrik Aamot	f. 1937

NAUSTDAL KIRKJE

9. juli	Torstein Bergheim Aa og Marion Haugsdal
16. juli	Håkon Klæbu og og Kristine Einen Larsen
30. juli	Torstein Holsen og Nina Iren Vonen



Returadresse
Førde kyrkjecontor
Kyrkevegen 23F
6809 FØRDE

Historisk dag på Seljevollen

Det er alltid litt
nervepirrande
å satse på
friluftsgudsteneste.

Tekst: RIGMOR FRØYEN,
sokneprest i Naustdal
Foto: RUNE MOLVIK

Dagane før 26. juni var det
ymse og skiftande meldingar.
Vi våga å satse, med paraply

og presenning i bakhand. Sokneprest (underteikna) vart noko mismodig då det kom små dropar allereie ved første salme. Organist Rune gøynde pianonet under plast-dekke, og kyrkjelyden vart nok litt usikre på korleis dette ville gå. Det kjendest som eit under at det vart med nokre få dropar, og mørke skyer over oss.

Skyene letta undervegs, og då vi avrunda med siste strofe

på «Alle fugler»: – Takk at Gud oss enn en gang, gav oss sol og glede – kjendest det som eit Guds under, då sola kika fram. Ei vakrare ramme for friluftsgudsteneste må ein nok leite lenge etter!

Sigrid Horne og Marit V. Apneseth hadde funne fram gitar og songstemmer. «O, store Gud» høvde svært godt denne dagen! Familiane på Seljevollen, Anders Seljevoll og Arve og Jorunn Seljevoll, hadde funne fram ljå og slåmaskiner og sørga for at det var slått og raka på bøen. Det vart servert mykje godt attått kaffien. Alle delte av sitt, og

husfolket hadde nok sørja for noko ekstra. Folk kosa seg vel og lenge etter gudstesta. Arve slo fast at dette måtte bli ein årleg tradisjon. Utfordringa er gitt, og søkerådet må vurdere dette når det lakkas og lir mot vår igjen. Vi takkar for hjarteleg velkomst og velvilje frå folket på Seljevollen. Det vart ei stor oppleving for mange av oss som ikkje hadde vore på staden før. Og første gongen i historien vart det feira gudsteneste på denne staden – så langt vi kjänner til.



Førde kyrkjetun

har lokale som høver dei fleste arrangement:

- Selskap, konfirmasjon, barnedåp og bryllaup
- Barneselskap og åremålsdagar
- Minnesamvær
- Årsmøte, kurs/konferansar osv.

Ta kontakt for bestilling eller tilbod:

Tlf. 99 15 13 07 eller ann.berit.steiro@sunnfjordkyrkja.no



Lokale til leige på Naustdal kyrkjelydshus

Har du ein dag som skal feirast? Fyller du rundt år, eller er det barnedåp eller konfirmasjon i familien?

Kyrkjelydshuset i Naustdal har fleire lokale til leige.

Vi leiger også ut til ulike organisasjonar, m.a. til årsmøte.

Kontakttelefon 99 27 99 55.

E-post: kyrkjelydshusetnaustdal@gmail.com